

Bosna i Hercegovina
Federacija Bosne i Hercegovine
Tuzlanski kanton
Ministarstvo prostornog uređenja i zaštite okolice

Na osnovu člana 29. Zakona o izvršenju budžeta Tuzlanskog kantona za 2012. godinu („Službene novine Tuzlanskog kantona“ broj: 3/12) i Programa raspodjele namjenskih sredstava Ministarstva prostornog uređenja i zaštite okolice za 2012. godinu, a u skladu sa Odlukom o utvrđivanju uvjeta, kriterija i postupaka za raspodjelu namjenskih sredstava iz ekoloških naknada, Ministarstvo prostornog uređenja i zaštite okolice raspisuje:

JAVNI KONKURS

za dodjelu sredstava javnim ustanovama iz oblasti obrazovanja i ostalim javnim ustanovama

1. Predmet javnog konkursa

Predmet javnog konkursa je prikupljanje prijave javnih ustanova iz oblasti obrazovanja i ostalih javnih ustanova za dodjelu sredstava koji se odnose na provedbu energetske programa (toplinska izolacija zgrada i zamjena vanjske stolarije) i zaštita i očuvanje biološke i pejzažne raznolikosti.

2. Korisnici sredstava koji imaju pravo na podnošenje prijave

Pravo učešća na javnom konkursu imaju javne ustanove iz oblasti obrazovanja koje su upisane u Registar osnovnih ili srednjih škola kod Ministarstva obrazovanja, nauke, kulture i sporta Tuzlanskog kantona. Pravo učešća na javnom konkursu, imaju i ostale javne ustanove koje su registrirane u skladu sa zakonom u Tuzlanskom kantonu, a čiji osnivač je Kanton.

3. Uvjeti koji podnosioci prijave moraju ispunjavati

Projekti javnih ustanova iz oblasti obrazovanja, koji će se uzeti u razmatranje, se dostavljaju na posebnom obrascu i treba da sadrže:

1. naziv i opis projekta,
2. oblast zaštite okolice na koju se odnosi projekat,
3. ciljeve projekta,
4. vrste aktivnosti koje će se provesti da bi se postigli postavljeni ciljevi,
5. očekivani rezultati,
6. rok realizacije projekta,
7. broj učenika koji pohađa školu u 2011./2012. godini na koji se odnosi projekat,
8. specifikacija troškova sa visinom sredstava koja se potražuju od Ministarstva (navesti detaljnu specifikaciju) sa predračunom od dobavljača.

Projekti ostalih javnih ustanova, koji će se uzeti u razmatranje, dostavljaju se na posebnom obrascu i treba da sadrže:

1. naziv i opis projekta,
2. oblast zaštite okolice na koju se odnosi projekat,
3. ciljeve projekta,
4. vrste aktivnosti koje će se provesti da bi se postigli postavljeni ciljevi,
5. očekivani rezultati,
6. rok realizacije projekta,
7. ukoliko postoji partnerstvo, naziv partnera – druga javna ustanova ili institucija iz javnog sektora sa dokazom o partnerstvu: sporazum, ugovor i slično (sa precizno definisanom vrstom partnerstva i načinom saradnje na projektu) i
8. specifikacija troškova sa visinom sredstava koja se potražuju od Ministarstva (navesti detaljnu specifikaciju) sa obaveznim predračunom od dobavljača.

Neće se uzeti u razmatranje prijave javnih ustanova iz oblasti obrazovanja i ostalih javnih ustanova:

- koje su dobile finansijsku pomoć od ovog Ministarstva, ako nisu ispunile obavezu pravdanja dodijeljenih sredstava i

- koje ne dostave dokumentaciju za dokazivanje ispunjavanja uvjeta iz člana 4. javnog konkursa i koje ne razrade projekat kako je definirano članom 3. javnog konkursa.

4. Popis dokumenata koje je potrebno priložiti uz prijavu

Javne ustanove iz oblasti obrazovanja dužne su dostaviti slijedeću dokumentaciju kojom dokazuju ispunjavanje uvjeta:

- rješenje o upisu u Registar osnovnih ili srednjih škola kod Ministarstva obrazovanja, nauke, kulture i sporta Tuzlanskog kantona,
- uvjerenje o poreznoj registraciji i
- projekt (ovjeren i potpisan od strane podnosioca) na posebnom obrascu.

Ostale javne ustanove dužne su dostaviti slijedeću dokumentaciju kojom dokazuju ispunjavanje uvjeta:

- rješenje o registraciji iz sudskog registra iz kojeg je vidljivo da je osnivač Kanton,
- uvjerenje o poreznoj registraciji,
- spesimen potpisa iz banke osoba odgovornih za finansije i
- projekt (ovjeren i potpisan od strane podnosioca) na posebnom obrascu.

Dokumenti se prilažu u originalu ili ovjerenom kopiji koja ne može biti starija od 6 mjeseci računajući od dana objavljivanja javnog poziva.

5. Osnovni kriteriji odabira

Osnovni kriteriji odabira za javne ustanove iz oblasti obrazovanja su:

- oblast zaštite okoline (do 40 bodova),
- rok realizacije projekta (do 30 bodova) i
- broj učenika koji pohađa školu na koju se odnosi projekat (do 30 bodova).

Osnovni kriteriji odabira za ostale javne ustanove su:

- oblast zaštite okoline (do 40 bodova),
- rok realizacije projekta (do 30 bodova) i
- partnerski odnos sa drugom javnom ustanovom ili institucijom iz javnog sektora (do 30 bodova).

6. Vrednovanje projekta

Prijedlog raspodjele sredstava javnim ustanovama iz oblasti obrazovanja i ostalim javnim ustanovama daje komisija imenovana od strane ministra.

7. Opće odredbe

Maksimalan iznos koji se javnoj ustanovi može odobriti za projekt je 30.000 KM. Javne ustanove imaju pravo na javni poziv prijaviti jedan projekt.

Projekti se predaju na adresu:

Tuzlanski kanton
Ministarstvo prostornog uređenja i zaštite okoline
Pisarnica Vlade TK (Slatina br. 2, Tuzla),
(sa naznakom: „ZA JAVNI KONKURS – NE OTVARATI“)

Rok za podnošenje prijave je 8 dana od dana objavljivanja javnog poziva u dnevničkim novinama. Javni poziv za dodjelu sredstava javnim ustanovama iz oblasti obrazovanja i ostalim javnim ustanovama zajedno sa propisanim obrascem iz tačke 3. javnog konkursa će biti objavljen i na zvaničnoj web stranici Vlade Tuzlanskog kantona www.vladatk.kim.ba.

Neblagovremene i nepotpune prijave neće se uzeti u razmatranje.